

26. §. 5. Utuntur autem hoc jure adversus omnis generis homines, singulos, & collegia, seu ejusdem seu diversæ professionis, Magistros & Boëthos; sed potissimum (i.) adversus *Extraneos*, quos vocant generatim, qui non sunt de Collegio, præscindendo, an sint ejusdem civitatis incolæ, an alterius; in tantum, ut licet idem sit opificium, ut constabit *inferius*: nunc de solis, qui non sunt
27. Opificio, die nicht des Handwercks sind. Cujus ratio est manifesta, Nam artem quam quisque callet, in hac se exerceat. Tuum quod non est, hoc scias ad alios modis omnibus pertinere. Falcem non debemus in alienam Messem immittere, & si quæ alia passim obvia.
28. Sed hoc tamen notetur: Si quis *inveniat in possessione*, eam non immeritò tuendum, donec constet de injustitia possessionis: quid enim, si antiquior ille sit collegiò, vel novò collegii jure? tunc
29. enim non turbaret ipse, sed turbaretur. Notes secundò, Hoc Tribuum jus ad *Loca Exempta* & privilegiata, ab iis habitata qui non sunt sub Jurisdictione oppidana, v. g. *Strehhäuser* / qualis nã fallor est hie loci ad cervum viridem, cujus possessor in prima instantia coram Regimine conveniendus, minimè esse porrigendum: prout ita judicatum refert Dn. Fritsch. *de jure Colleg. p. 1. c. 3. n. f.* add. *Meichsner. Tom. 4. Decis. Cam. 27.* *Gylman. Tom. 2. Symphor. p. 3. T. 7. vot. 1. n. 1.* *Lindenspühr. Comment. super Jus provinc. Wurtemberg. fol. 214. n. 9.* Ubi nec Academies, aliasque personas hoc tribuum jure ligari ait. Usu tamen videmus, alicubi Magistros & boëthos his operas locantes à cæteris expelli. Lipsiæ tamen permulti opifices Collegia academica inhabitant & operantur nemine eos turbante. *Consuetudines E. & jura locorum* erunt attendenda.
31. §. 6. Ad rem ut accedamus, Exemplum nobis esto unum *Resionum* collegium, quod super negotiatione olei, facularum picæarum, & rebus quibusdam aliis est privilegiatum, adeoque multas adversus diversos & movet, & ab aliis patitur contradictiones. Nam *venditionem Picis*, & Senatus exercet, & Victores sibi vendicant; *Faculas picatas* conficiunt & venum exponunt ex Mercatoribus illi quos Materialistas dicimus. Potissima tamen cum *Oleariis* est controversia: Sunt autem hi duum generum: Alii *Molitores*, *Del-Müller* / qui ipsi oleum exprimunt ac præparant; Alii sal-
- tim